



UNIVERSITÄTS-  
BIBLIOTHEK  
PADERBORN

## **Regvlæ Societatis Iesv**

**Angeli, Bernardo d'**

**Romæ, 1616**

Regulæ Procuratoris generalis.

---

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



# REGVLAE PROCVRATORIS

Generalis.

Quæ sibi ser-  
uanda.



N omnium negotiorum tra-  
ctatione perpetuo memor  
fit instituti Societatis, quæ  
Dei omnipotentis gloriam  
quærens, profectui anima-  
rum inuigilat. Ipse igitur

verbo, & exemplo eos omnes ædificet, qui-  
buscum versatur: & in his, quæ ad officium  
P. 9. c. 6. §. 12 suum spectant, fidelitatem, prudentiam, &  
dexteritatem habere studeat; atque eos sibi  
beneuolos conseruet, quorum opera ad ne-  
gotia peragenda indiget.

P. 9. c. 6 §. 12.  
& p. 4. c. 2. lit.  
E.

2 Ad eum pertinent negotia omnia ad  
expeditiones, lites, & quosuis contractus sibi  
à Generali commissos ineundos spectantia,  
quæ ad vniuersæ Societatis Collegia, vel Do-  
mos eius, vel etiam ad particulares personas  
pertinebunt.

Negotia ad  
eum pertinen-  
tia.



3 Superintendat non solum ijs, quæ à Procureto, & Solicitato externo curantur, sed etiam socijs, qui illi dabuntur adiutores, quod ad negotia attinet. qui licet in ijs, quæ ad suum officium non pertinent sub Vicepræpositi, & Ministri Domus obedientia esse debent quoad disciplinam domesticam, eos tamen poterit cum ipsius postulabit officium, & recreationis etiam causa foras mittere. Nam ad alia quæuis negotia non ad Procureto pertinentia si ipsis exeundum erit, non nisi de P. Vicepræpositi licentia facient, sicut Socij Secretarij: & si qui Romæ fuerint Procuretores Societatis rerum particularium, vel etiam Prouinciarum, ab ipso dirigentur, prout Generali videbitur.

P.9.c.6.§.12  
lit. H.  
Quibus superintendet.

4 Nihil, quod ad expeditiones, lites, aut grauiora negotia pertineat, incipiet agere, nisi à Præposito Generali per se, vel per alium approbatum sit, & ei commissum, vt exequatur. quod si Generalis rem consultatione indigere iudicabit, sollicitet vt mature de ea statuatur, præcipue si res festinatione egere videatur. si quid autem ex ijs, quæ statuuntur, ipsi videretur non conuenire, proponat suam sententiam, & rationes quibus mouetur.

P.9.c.3.§.16  
Quæ inconsulto Gen. nõ inchoabit.

5 Illud vero præcipue ante oculos habeat, vt antequam litem vllam intendat, res controuersa (si fieri possit) concordia aut com-

Can.26. Cõgreg.2.  
Vt lites componat.

com-



compromissione componatur: si quando tamen ad litem descendendum erit, memoretur ut magnam pacem interius exteriusque custodiat, & semper ad iustam concordiam se paratum esse, contrariæ parti innotescat.

*Vt negotia expediantur.* 6 Curet diligenter, ut recte, & solide fiant, quæ expedienda, vel alia ratione agenda erunt. quod si periti iuris, aut curiales consulendi sint, maxime idonei eligantur: idem de officialibus, per quos res est transigenda, intelligatur.

*Gener. de statu negotiorum admoneat.* 7 Conferat cum Præposito Generali, eique reddat rationem eorum, quæ facit, & quo in statu sint negotia; aut illi, qui à Præposito designabitur. quod si rerum difficultas extraordinarium fauorem aut diligentiam exigere videatur, eidem significet, & auxilia, quæ opportuna visa erunt, petat.

*Eos etiam ad quos pertinet.* 8 Rationem quoque reddet status negotiorum, eorumque prosecutionis, vel expeditionis ijs, qui de negotijs scribunt: suas vero literas legendas dabit illi Assistenti, ad cuius Prouinciam negotia pertinebunt.

*P.4. c.2. §.5. Libros habeat rationum.* 9 Rationum libros conficiat, in quibus figillatim omnia quæ recepit, scribantur, & quas pecunias quibus in rebus expenderit, ut tam clara & distincta ratio dati & accepti sit, ut ipso etiam absente supputari possit, quid singulæ Prouinciæ, Domus, Collegium, aut



aut particulares personæ dederint, aut debeant Procuratori, aut quid eis à Procuratore debeatur. Quod vt commodius obseruetur, singulis saltem annis ad Natiuitatis Dominicæ festum rationum omnium summam colliget, & scribet, atque ad eos, quorum intererit, mittet. si quid autem pecuniæ supererit, eisdem significabit, vt pro ipsorum arbitrio de ea disponatur. Porro tertio quoque anno rationem reddet accepti & expensi ei, quem Præpositus Generalis designarit.

10 Librum habeat, in quo scribat beneficia omnia Ecclesiastica, quæ singularum Prouinciæ Collegijs sunt vnita: & horum etiam catalogum, vbi tempus in quo fuit facta vnaquæque vnio, & valor etiam annotetur; animaduertatque, vt antequam adueniat dies præscriptus soluendi quindennia, Rectores Collegiorum, ad quæ huiusmodi vniones pertinent, diligenter admoneat, vt opportuno tempore pecunias Romam mittant.

Lib. benefic. Collegijs vni-  
torum.

11 Curet vt à Prouincijs mittantur pecuniæ, quas contribuere debent ad sumptus necessarios in Procuratores, & cum opus fuerit, in aduocatos, latores literarum, & alios similes faciendos; vtque Romæ sint eo tempore, quo illis sunt soluendæ: eademque diligentia,

P. 4. c. 2. lit. E.  
Vnde necess-  
farij sumptus  
soluantur.



gentia, quæ sibi deberi ex libro rationum colliget, vt reddantur curabit.

Quando lit.  
bancariæ mit-  
tendæ.

12 Cum pecunia Procuratori ad negotia conficienda transmittetur, si tantum literæ bancariæ, quæ de credito dicuntur, mittantur, nihil capiat, nisi quantum, & quando pro negotio conficiendo opus erit. si vero bancariæ literæ ad certam aliquam summam quæ iam alibi soluta est, capiendam missæ fuerint, & ea ipsa iam iã ad negotia expedienda erit necessaria, ne tum quidem à mercatore, præsertim locuplete, & spectatæ fidei educatur, donec numeranda sit: si vero non tam cito erit necessaria, vel de fide mercatoris non tam certo constaret, primo quoque tempore ab eo accepta pecunia, eam si alicuius momenti fuerit, reponat in arca sub duplici clavi, quarum alteram ipse, & alteram diuersam socius habeat.

Quas scripturas, & quando ex Archiuo accipiet.

13 Scripturas, bullas, & breuia authentica, quæ in Archiuo conseruantur, non nisi exigente necessitate accipiet; acceptas vero, quam primum commode poterit, reddat: ceteras autem scripturas, procuratoria instrumenta, literas negotia continentes, quamdiu necessaria fuerint, & demum quæcunque ad officium eius pertinent, & quæ nec perpetuo necessaria sunt, nec semper seruanda erunt, ipse custodiat ordinate, & distincte, facto eorum omnium



omnium inuentario, cubiculumque sit clauis obseratum.

14 Informationes ad se missas in omnibus expeditionibus habeat præ oculis, ut ad eas omnino supplicationes conformentur: deinde animaduertat, ut bullæ, & breuia, quæ expediuntur, cum supplicationibus concordent.

Circa informationes, & supplicationes.

15 In librum referat summam omnium negotiorum, quæ ei commendantur: resque maioris momenti, quæ in eorum progressu peragentur, ibidem breui, ac dilucido ordine conscribat.

Liber negotiorum.

16 Exempla literarum, quas ad varias Prouincias, & loca scribit de negotijs, in librum peculiarem referat: & cum memoria- lia, informationes, supplicationes, vel alia scripta alicuius momenti alijs dabit, exemplum eorum apud se seruet.

Habeat registra literarum &c.

17 Regulas Cancellariæ habeat, bullasque, & breuia quæ à Summo Pontifice fiunt, emat: in eisque animaduertat, quid noui contineatur. quod si in cœnæ Domini Bulla aliquid adderetur, aut mutaretur, eam statim ad omnes Prouincias transmittat: motus etiam proprios vniuersales, conscio tamen Præposito Generali, Prouincialibus mittet.

Reg. Cancell. & bullas novas emat.


18 Cum Præpositus Generalis adire uoluerit creatum nouum Pontificem, ut iuxta  
Con-

P. 7. c. 1. §. 3.  
Quid post creatum Pontificem, &c.



Constitutiones Sux Sanctitati Obedientiam, votumq. Societatis declaret; redigat illi Procurator in memoriam, vt videat an expediat ab eo impetrare confirmationem gratiarum, & priuilegiorum Societatis.

In quibus subditus erit Reet. Collegij. 19 Subditus sit Superioribus Collegij, praterquam in ijs, quæ ad sui officij executionem spectant.



RE-